

გამომცემლობა

№ 33

1917

გამომცემლობა

ქურნალი „ეშმაკის შატრახის“ გამომცემლობა იძულებული ხდება კვლავ გაადიდოს ქურნალის ფასი შაურით, 20 კ. მაგივრათ 25 კ., ეს არასასურველი გარემოება გამომცემლობისა გამოწვეულია მასალის და მუშა ხელის საგრძნობლათ გაძვირებისგან. ერთი

თვის წინათ აწუბა ქურნალისა ღირდა 80 მ., დღეს 150 მ., ქალაღი—11 მანეთი, ეხლა 21 მ., შექმნილ პირობებში გამომცემლობმს დეფიციტი აქვს; მას ორი გამოსავალი დარჩა: ან შეჩერება ქურნალის, ან ფასის მომატება.

ჩვენ უკანასკნელი ვარჩიეთ.

კანტორა „განათლება“.



მ. გიგინიაშვილი
29.4

როგორ აღადგინა ეშმაკმა სამხედრო მინისტრის ავტორიტეტი (იხ. წერილი „ეშმაკის ოინი“).

ეშმაკის ოინი

ცხრა დღე იჯდა. ცხრა დღის განმავლობაში მას არ გაუტინია. ცხრა გრძელი ზაფხულის დღე გაატარა მან უქმელ-უსმელმა. ცხრა დღის განმავლობაში მას თავი მალა არ აუღია; ცხრა დღე ქმუნვისა და ფიქრში იმყოფებოდა.

ეშმაკს საზოგადოთ უყვარს ყველაფერი „დროებითი“, ვინაიდან ქვეყნად ყოველივე დროებითია; მაგრამ „დროებითი მთავრობა“ პირდაპირ მისი სიყვარულის საგანს შეადგენს. ძველი უღროული მთავრობაც კი უყვარდა მას, რომ ვასაკერი არ დარჩეს ახალისა და დროებითის სიყვარული.

იჯდა ეშმაკი და ცხრა დღე ფიქრობდა, თუ როგორ აღედგინა რევოლიუციონურ ჯარის თვალში ავტორიტეტი დროებითი მთავრობისა. დისციპლინა რამდენი ხანია რაც გარდაიცვალა და ის ხომ ერთადერთი საშუალება იყო სიყვარულის მოსახვეჭათ. მართლაც, როგორ უნდა შეგვიყვარო თუ არ გამროზგე, თუ ციხეში არ ჩამაგდეს, თუ არ ჩამომახრჩვე, ან არ დამხვრიტე? სიყვარულის გრძნობა ხომ უნდა ფერდნობოდეს რაიმე ფიზიკურ საფუძველს. უტკობია ხომ არ არის, რომ ჰაერში გამოკიდული არსებობდეს?

დროებით მთავრობაში სამხედრო მინისტრი ყველაზე მეტათ ეცოდნება მას. რევოლიუციონური ჯარი, ეს ხომ სამხედრო მინისტრის საფუძველია.

ვიდრე ეშმაკი ფიქრად დაჯდებოდა, მან მოინახულა ათასი მიტინგი, ათი ათასი კერძო თავისუფალი მხედარი და ამგვარათ გაეცნო მათ მისწრაფებას, მათ მოთხოვნებს, მან გაიგო, თუ რა აამებს და რა ამრახებს ჯარს, რას ეტრფის და რას გაურბის იგი, რა იზიდავს და რა აფრთხობს მას.

მიუხედავათ ამისა ცხრა დღე და ღიმე იჯდა ეშმაკი, და ყოველივე თავის აზრს ცხრა-ცხრაჯერ ზომავდა. იჯდა და ფიქრობდა:

--- რა ვქნა, როგორ ვუშველო, რით აღვადგინო ავტორიტეტი დროებითი მთავრობისა, რით მოვეზვექო მხედართა სიყვარული სამხედრო მინისტრს..

და აი, მეცხრე დღის მიწურულში გონება მისი განანათლა ბრწყინვალე აზრმა. მის სახეზე ღიმილმა გაინავარდა. ყველას იმედი მოგვეცა. მინი-

სტრმა ეს ამბავი არ იცოდა, თორემ იმასაც სიხარულის ქარი აიტაცებდა.

ეშმაკი დაჯდა და დასწერა „ბრძანება ჯარისადმი“, რომლის ნაწილი ჩვენი ჟურნალის პირველ გვერდზე არის გაკრული. „ბრძანება“ სახელად ჰქვია, თორემ რა ბრძანება არის ეგი გარდა იმ პირველი მუხლის, რომელსაც თქვენ სურათზე ამოიკითხავთ, ბრძანებაში კიდევ რვა მუხლი იყო.

ეშმაკი ჰპირდებოდა ჯარს ყოველგვარ შეღავათებს: მიწას 50 დეკეტინას თითო სულზე; თითო ორ სართულიან სახლს ქალაქებში; თითო ან ორ-ორ საცოლოს ომის გათავების შემდეგ. თითო ვედრა არაყს; თითო ბურჟუას მოჯამაგირეთ და სხვ. მრავალს. ბრძანებას ხელი მოაწერა მინისტრის მაგიერ, (ვინაიდან ახლა თავისუფლება არის და ყველას შეუძლია სხვისი სახელი მიითვისოს) და გააკრა ქუჩებში.

უნდა გენახათ რა სიხარული გამოიწვია მან ჩვენს მხედრობაში. და როგორ გაზარდა მინისტრის ავტორიტეტი.

მოირიელი.

პატარა ფელეტონი

ვაი პოლიტიკისაბან!

„კერძო ჩვენსა სიამ-3179 ხმა მიიღო... არჩევნებისთვის შეთანხმება გვექნდა უკრახელებთან, არა იმიტომ, თითქმის მათი ხმებით ვეფიცილიოთ დანტერესებულნი; ამ შემთხვევაში ჩვენ პოლიტიკური მისწრაფებით გუჯამდვანელებდით“.

(სახლსა სსქე № 19).

ჩვენი სამშობლოს უბედურების მიზეზს უმთავრესათ ის შეადგენდა, რომ არა გვყავდა გამოცდილი პოლიტიკოსები.

ეს ასე იყო ძველათ და თითქმის ასევეა ახლა, თუ სახეში არ მივიღებთ ერთად ერთ სანუგეშო მოვლენას, --სახელდობრ ჩვენს ქვეყანაში „სოციალისტ“-ფედერალისტთა გაჩენას.

მ.რთალია მათ გაჩენას მხოლოდ ცაშეტიოდ წლის ისტორია აქვს, მაგრამ ისტორიაც არის და ისტორიაც.

ამ თორმეტი წლის განმავლობაში მათმა სახელმა ჟანდარმთა სამმართველოს უფროსის ყურამდეც კინალამ მიახწია. როგორც კი დაიბადა, პარტიას მაშინვე ემჩნეოდა, სადაც აღდიოდა, რომ ბედაური პოლიტიკოსი დადგებოდა, მაგრამ იმას, რაც მათგან დადგა, ვერავითარი გიჟური ფანტაზიაც კი ვერ წარმოიდგენდა.

თითოეული მათი ნაბიჯი ეს ბრძნული პოლიტიკური აქტია. ჩვენი ქვეყანაც სამართლიანად ამაყობს მითი და ჩვენი ხალხიც სამართლიანად ეკედლება მათ.

შედგერი მათი პოლიტიკური გამოსვლისა ეს თფილისის საარჩევნო ბლოკია.

პოლიტიკოსობა ეს, ერთგვარი სახეა ეშმაკობისა. კარგი პოლიტიკოსი საქმეს ძირში უყურებს. შენ რომ აქ გელაპარაკება გგონია, იგი ამ დროს ცხრა საუკუნეა ქვეყნულ ქვეშ და იქიდან უკავებს.

უბრალო მომაკვდავი ვერაფერსაც ვერ გაუგებს კარგ პოლიტიკოსს, ვინაიდან თუ პოლიტიკოსს გაუგებ განზრახვა, ის მაშინ რაღა პოლიტიკოსია. ასეთი პოლიტიკოსი ბლოკის კულისა და არა პოლიტიკოსი.

თფილისის ყველა პოლიტიკური პარტია შეაშინა იმ პოლიტიკურმა ნაბიჯმა, რომელსაც „ფედერალისტ-უკრაინელთა“ ბლოკი ეწოდება. „შეაშინა იმიტომ, რომ ბლოკი საზოგადოთ საშიშარი რამეა და მერე ასეთი პარტიებისა ხომ კიდევ უსაშიშროესი.

სხვათა შორის ამ გარემოებამ ამხ. ეშმაკიც ძლიერ დააინტერესა. ის შეეცადა გაეგო ნამდვილი პოლიტიკური მიზეზი ბლოკისა, გაერკვია ფარული განზრახვა „სოც. ფედერალისტებისა“, რომელნიც იყვნენ ინიციატორნი ბლოკისა. მართლაც ხომ უნდა ჰქონოდა ამ ბლოკს რაიმე პოლიტიკური საარჩული?

მოსაზრება აქ მრავალგვარი შეიძლება:

ა) შეიძლება უკრაინელებთან ბლოკით ფედერალისტებს სურდათ კიევის დეშაში რამოდენიმე ქართველი ხმოსნის გაყვანა, რომ მათი საშუალებით დაიკონ აღვილობრივ ქართველ სტუდენტთა ინტერესები.

ბ) შეიძლება ფედერალისტებს ჰქონდათ ფარული განზრახვა თავისი მოძმე „ესერების“ პარტია გაეძლიერებია. ერთი ესერის გაყვანით და მით სოციალისტობის მოწმობის აღება გაეადვილებიათ.

გ) შეიძლება აგრეთვე (და დაინახათ რომ ეს მუხლი მართალია) ფედერალისტებს სურდათ თავისი უძღურების დაფარვა სხვის გვერდზე ამოტუხვით ხომ გაგიგონიათ, ერთხელ თალგამი რომ იკვეხოდა: მე და თაფლი ერთად ძლიერ გემრიელი ვართო.

თავის თავად ცხადია, რომ მუხნდავთ ღრმა პოლიტიკური მოსაზრებისა, პირველი ორი მუხლი შეიძლება უარყოფილ იქმნას და განიხილოს მხოლოდ მესამე.

სოც. ფეტერალისტთა პარტიას კარგა ხანია შექრის ავთმყოფობა სტანჯაის და ნელ ნელა ბუნებრივი სიკვდილისაკენ მიაქანებს. ერთი რამ შენიშნულია: რაც უფრო სუსტდება და უძღურდება აღნიშნული პარტიის ორგანიზში, იმდენათ უფრო მკვებარა და ბაქი-ბუქის მოტრფილვ ხდება იგი. საკუთარი თავითა დი საკუთარ ფტხებზე სიარული არც ისე ადვილი საქმეა და ამ გაიზარბა პოლიტიკა.

ახლა ძნელია გადაქრით თქმა რისიმე. მაგრამ თუ ეშმაკის სააგენტოს დაუჯერებთ, ის 3179 ხმა რომელიც ბლოკის სიამ მიიღო, ასე შეიძლება განაწილდეს.

- 1) უკრაინელები — — 3002
- 2) ნამდვილი ფედერ. — 153
- 3) თანამგრძობნი — 24

ს უ ლ 3179

ნამდვილი ფედერალისტები არიან აგრეთვე ნამდვილი პოლიტიკოსები, ვინაიდან მათ თავისი 123 ხმით გააპარეს საბჭოში 2 ქართველი ხმოსანი. ესენი სულ პარტიის ლიდერები არიან.

კოლო.

† გიორგი ზდანოვიჩი.

31 ივლის, ხანგრძლივ ავთამყოფობის შემდეგ ქუთაისში გარდაიცვალა ჩვენში და რუსეთშიც კარგათ ცნობილი გიორგი ზდანოვიჩი, რუსეთი იცნობდა მას როგორც მეორმოცდაათე წლის ერთ მძლავრ და ნიჭიერ რევოლიუციონერს. იმ ხანად რუსეთში მუშაობდა ორი სარევოლიუციო ჯგუფი — პეტროგრადში ჩაიკოვცების, სადაც ჩაიკოვსკის გარდა შედიოდა სოფიო პეროვსკაია, დები კორნილოვები, ლიზოვუბი, კლემენსი, კრაპოტკინი და კრავჩინსკი (სტეპნიაკი) მოსკოვში — ბაკუნინცების. ამ ჯაუფში იყვენ — ბარდინო, დები სუბბოტინები, ლილია ფაგნერი, ჯაბადარი, ციციანოვი, დები ლიუბატოვიჩები და გ. ფ. ზდანოვიჩი. ერთ დროს მოსკოვის ჯგუფმა აქტიური მოქმედება დაიწყო. ამ ჯგუფის რევოლიუციონერებმა დაარსეს მუშათა გაზეთი, „მომუშავე“, ზდანოვიჩს ყველა ყურადღებას აქცევს; როგორც ქვეიან და საქმის ერთგულ ადაზიანს.

1877 წელს მოსკოვის პროცესის დროს გიორგი გაასამართლეს თავის ამხანაგებთან ერთათ კატორღა გადაუწყვიტეს. ამ პროცესმა მთელ რუსეთზე ღრმა შთაბეჭდილება მოახდინა; მაშინდელი რეჟიმი სატუსალოებში და უმეტესათ კატორღაში ძნელი წარმოსადგენია. ზდანოვიჩი და მისი ამხანაგები აუტანელ ტანჯვა-წამებას იტანდენ ხარკოვის გუბერნიის პაჩენგის სატუსალოში. ისინი ცალ-ცალკე კამერებში ყავდათ დამწყვდეული და მარტო წყალსა და ზურს აძლევდენ. ამ ხანად ასეთ ჯალათურ რეჟიმის დროს ბევრი რევოლიუციონერი სატუსალოში ქლეკით ავით გახდა და მოკვდა, ბევრი კეუზე შესცდა და ბევრმაც თავი მოიკლა.

გიორგი ზდანოვიჩმა და ზოგიერთმა მისმა ამხანაგებმა მდგრათ გადაიტანეს ეს ტანჯვა. ხალხის სიყარულით და მომავლის იმედით აღსავსე მათი ახალგაზდა, გული ვერ შეარყია თვითმპყრობლობის ჯალათების შექმნილმა ტანჯვა-წამებამ და ისევე ისე ახალგაზდური გატაცებით და იმედებით აღვსილებმა დასტოვეს ჯოჯოხეთური ციხის კარები. ციხიერიდან ზდანოვიჩი კავკასიაში დაბრუნდა, ქუთაისში დასახლდა და ლეგალურ პუბლიცისტურ მოღვაწეობას მიჰყო ხელი. ის სწერდა ქართულ-ქურნალ გაზეთებში „მია-

შვილი“-ს ფესველონიით. ამავე დროს ის პრაქტიკულ მუშაობასაც მისდევდა. მან შექმნა „ქიათურის შავი ქვის მრეწველთა ყრილობის საბჭო“ სადაც ბოლოს ის აირჩიეს თავმჯდომარეთ. ამ თანამდებობაზე იყო ის უკანასკნელ დროს, დაუღალავათაც მუშაობდა, სანამ უღმობელმა ავადმყოფობამ ის ლოგინათ არ ჩაავდო და არ გამოასალმა წუთი სოფელს.

თუ კი მესამოცდაათე წლების რევოლიუციონერები ღირსი არიან მოგონების და მათ მოღვაწეობას რუსეთი აფასებს, გიორგი ზდანოვიჩს მათში საპატიო ადგილი ეპირება მუდამ.

ფ რ თ ი.

(აჩვენებები).

ყოველი პარტია,
 ჯგუფი თუ პირები
 კლუბები, დარბაზნი,
 თუ ლობის ძირები —
 ყველა და ყოველგან
 ქადაგათ ამდგარა:
 ყრმა, ჯგელი, მოხუცი
 შინ აღარ დამდგარა.
 ხალხს ევლინებთან
 ყველანი მხსნელათა!
 მტერსა და მოყვარეს
 გააჩრევთ ძნელათა.
 გუშინ რომ უანდარშებს
 უქმევედა გუნდრუქსა,
 დღეს „ესერთ“ ბანაკში
 განაგრძნობს ფუნდრუქსა.
 გუშინ რომ იღვწოდა
 იქ, პოლიციაში,
 დღეს აგერ სეირნობს
 „ესფერთა“ სიაში.
 გუშინ, რომ „ოხრანკას“
 აძლევდა „ანგარიშს“
 „ეროვნულ დემოკრატს“
 ვერც სირცხვილს, ვერცა შიშს,
 ვერცა რა სიწითლეს
 ვერ ატყობ სახეში,
 თუმც მსხვერპლი მრავალი

გაუბამს მახეში.
 გუშინ რომ დროებით
 ქურდობა დატია,
 დღეს თუ მათ უჯერიოთ,
 ის „დემოკრატია“.
 ყველანი ფეხების
 ცერებზე ღგებიან,
 უხმობენ ამრჩევლებს
 სადაც კი სწვდებიან.
 პირობას, ფიცს სდებენ
 „ჩვენ ვსჯობვართ ყველასო,
 სხვებიდან ნუ ელით
 ხსნასა და შველასო“.
 მარა დღეს ყველა ეს
 არ მიჩანს ჩირათა,
 მე მხოლოდ ერთი რამ
 მაქვს გასაკვირათა:
 მუშებთან რა უნდა
 სოლომონ ქოქუას?
 (პროგრამა იმისი
 ღორონთიმ დოქუყუს!).
 —საწყალი მუშები,
 საბრალო გლეხები,
 ქვეითათ დადიან,
 დაუცვლათ ფეხები.
 ტრამვაის მოვაფენ
 მთელ არე მარესო,
 ეს რჩევა მუშებმა
 თუ მოიხმარესო.
 შავი ქვის მუშები
 იხრჩობა მურიოთო,
 ამ უსამართლობას
 ვუყურებ შურიოთო.
 ავაგებ აბანოს,
 გაგირეცხთ საცვალსო,
 დაენდვეთ გერებმა
 თქვენს მამინაცვალსო!
 —ლაღად ჰყო ქოქუამ
 ეს „დეკლარაცია“.
 (გაბედა, რადგანაც
 რაინდი კაცია).
 მუშებთან საერთო
 რა ჰქონდა ქოქუას?
 ეშმაკმა წაიღოს.

„ღორონთიმ დოქუყუს“.
 საბრალო სოლომონ,
 ხმალს იქნევს ყუითა!..
 მუშობა არ დადის
 ქოქუას ქკუითა.

—
 მუშებმა იციან
 ნომერი პირველი,
 მათთან სხვა ვერ მივა
 „მოლოცველი—მწირველი“.
 ნომერი პირველი
 მხსნელია მშრომელთა,
 მაშვრალთა აღდგომა
 ჰწადიათ რომელთა,
 ვინცა ხართ მუშების,
 გლეხების პარტია,
 რომელმაც რეჟიმი
 ძველი კი დატია,—
 პირველი ნომერი
 არჩენის ყუთისა
 თავდებათ გიდგებათ
 ბედნიერ წუთისა.


ბუტუნა.

ჩავენობრაჯიამ დამაქცია!

(გურული სცენა).

— გამარჯობა შენი ნიკოიავ!
 — ღმერთმა გულმარჯოს და კარქათ მიმყოფოს ჩემი გოგიეს თავი, რას შობი ძმაო გოგია, რავე ხარ, პატარე ვერ მეითქვი სული?
 — ჩემი სულის თქმაი კაი შეილია! ბაღნები ქე წამართვეს ვაინში, ქადი ნალიაში ფამომელია და შიმშილი სტორეთ კარზე მადგანა. ქვეყანაზე რომ ასვარიე-დასვარიე ამას შენც ქე ხედავ შენი კაი თვალებით. რაცხა ამ რეულუციეს იმედი მქონდა, მარა რავეც ვხედავ მაგის საქმეც გლახათაა. გუშხამ ბიკო მიტინგზე ვიყავი, გამევიდენ ცოციალისტები, შედგენ ტრიბუნაზე და მოყვენ ქვეყნის ამბები. ერთმა იგიც კი თქვა, რომ თუ ქკუით არ დაერჩით თავისუფლებას გამივეთხოვებითო, კონტრულუციე დეიწყებაო.

1923.7.
 (Handwritten signature)



ხანაგი, ახლად ციმბირიდან დაბრუნებული. ის ძლიერ გავლენიანი უნდა იყოს მუშათა შორის

ვინაიდან ყოველგვარ მოლაპარაკების დროს მათ წარმომადგენლობას წყველა.

უმთავრეს საჭირობორტო საკითხს გავრისათვის, როგორც სხვა ზღვის პირა ქალაქებისათვის, შეადგენს საკითხი „შავი ზღვის პირის რკინის გზისა“.

ამ გზის დამთავრებას ისე მოეღოს ყოველი მოქალაქე შავი ზღვის სანაპიროებისა, როგორც შაქარსა და პურს რიგის კულში მდგომი. იქიდან მოეღოს იგი ყოველგვარ ბედნიერებას, ყოველნაირ სურსათს, სანოვაგეს, მიმოსვლის გაადვილებას, მაგრამ გზის შენების საქმე ერთობ კოკლობს. მიზეზი ამისი არა ერთი და ორია. ყველა მათგანის აქ გარკვევა რასაკვირველია შეუძლებლათ მიგვაჩნია, მაგრამ რამდენადაც აღნიშნულ გზას საჩვენო ინტერესებიცა აქვს, იმდენათ უნდა შევეხოთ მას.



აი ეს სურათი, რომელიც შემთხვევით ხელთ ჩამივარდა გავრაში ყოფნის დროს, თითქმის სრულად გამოსთქვამს სამშენებლო საქმეთა სირთულეს. ამ სურათმა ჩვენ მით უფრო დაგვიანტერესა, რომ მის ცენტრალურ ფიგურას, ე. ი. როგორც რუსები იტყვიან, მის „პირველ სკრიპკას“ წარმოადგენს ჭვირუასი ამხანაგი და ჩვენი ძველი თანამშრომელი, აწ კომისარი საგანგებო ამიერ კავკასიის კომისარიატის ბენია ჩხიკვიშვილი.

ჩვეულებრივ მკითხველ თათვის ერთობ ძნელი გასაგებია შინაარსი ზემოთ აღნიშნული სურათისა, მაგრამ აქ, შავი ზღვის პირის რკინის გზაზე გარდატყვე ავსტრიელებისა თითქმის ყველა გაიგებს მის დიად მნიშვნელობას.

სხვათა შორის რკინის გზის შენებას ნებსით, თუ უნებლიეთ აბრკოლებდა ვგრეთ წოდებული „ფრანგთა საზოგადოება“, რომელსაც აღებული ჰქონია რამოდენიმე გვირაბის გაკრა. დროა ისეთი

— ხო მართლა ძმომ გოგია მაგას მეც ქე წავსწარი ყური, თუ გამართლდა ბიჭო დევილუზეთ კეკალი კაცი იგია, გუშხამ ჩემი ბაღანე იწერებოდა კომიტეტობა ვიშონე, ჯამაგირიც ბეური მაქ და ნამესტნიკის კანცელარიაში ისე ვიარებში, როგორც შენს ჯარგვალაშიო. დეილუბა მაშენ ჩემი ბაღანე და იგია.

— შენ ჩემო ნიკოია ბაღანეს გეშინია, კომიტეტიაო; აბა ძმომ ჩემი საქმე თლა მომსპარა და იგია. ჩემი ქალა კომიტეტის თავჯდომარეა.

-- რას მიჩივი ბიჭო გოგია, რაფა შენი ქალი, მართლა კომიტეტის თავჯდომარეა?—აბა ძმომ გუშხამ კრება ყოფილიყო და სულ ერბაშათ იერჩინ თურმე. მერე არ იკითხავ რომელი პარტიის ყოფილა? იმ შეჩვენებულმა პარტია კი არა რომ გეკითხა შენ ბაღანეში სერგეია უფროსი თუ კოლიეო, ერსათს იფიქრებდა და ახლა თურმე ცოციალ-რეულუციონერობს. თურმე იმ შეჩვენებულს უნდა ჩემი მამისისხლათ გაშენებული ბალი ქვეყანას გუჟანწილოს. იმას უნდა ქონდეს ვისაც მუშაობა შეუძლიაო და თუ ასეა პავლიე და იასონე თლა გადაბრუნებს ქვეყანას. დევილუზე კაცი და იგია. ჩემი ნაკვტავ-ნაწყტავი მიწა პავლია უხეფსუსას უნდა ჩაუვარდეს ხელში?

— არა ძმომ ნიკოია, ახლა თვარ უშველეთ ქალებს დეილუბა საქმე იცოდე. წვეილენ ხელიდან და იგია. ვის ახსოვს ქმარი და ბაღანე, სულ კრებაზე დაძუგვენ. დოუსტავლიენ ერთი პასუხი და სულ იმას იძახიენ: ძირს კაცები, მაღლა ქალებიო. კაი დაგემართოს მარა თუ დიდხანს დარჩა ასე ხომ მომსპო და გამათავა. მაღლობა ღმერთს, თურმე ყორიფელს მიესრება კაცი. სულ იმას იძახიენ: გუჟმარჯოს ქალებს თანასტორობასო: მარა თანასტორობას ვინ ჩივა რომ თლა არ გამსრესდეს.

— პა! პა! პა! პა! არ ვიცი ძმომ ნიკოია მართლაც ისე ვიშუენ თავი რომ აფერს არ გავს. დღე ერთია და სამჯერ იარებიენ კრებაზე. გუშხამ უურჩევიენ ჩემი ქალი თავჯდომარეთ, დოუსტავლიენ ტაში როგორც გინახავს კონი; შეშინებულა პელაგეი და მას მერე ქკუაზე არაა.

გუშხამ შვაგულ ძილში იყო ერთი იმფერი რუსული წრიხი კი მარტყა, რომ შით ღაღარაში გამაგდენია ბრეგვა დევიქეცი კეკალი კაცი, ცხრაას ექვ-

სში რეაქციამ დამაქცია და ახლა გონი რეულუცია მიპირობს თლა მოსპობას. ქალი მეღუპება მარა რა ქალი.

გუშხამ გევიხედე ყანიდან მოვლრაკუნობ, საცხა ორი ძირი ტყეი გავახმე, დოუსტავლიენ კრება და არის ერთი ასვარიე-დასვარიე ჩემი ქალის თავჯდომერეობით. აბა შენია სიტყვა აბა ჩემია—იძახიენ ასათანის ბაღანესავით. ბოლოს ეილო სიტყვა ფატიამ და მისდგა ალათიას: შენ ამფერო, შენ იმფერო, შე ფრასო, და ვინ იცის კიდეე რა არ უძახა. უყურე, უყურე; მერე ვეღარ გოუძელო იგინის ლაპარაკს და წავებლაცუნდი სახში. აბა ხეფსი ვის და ხედებოდა ძმომ შენც კი იცი.

არა ძმომ ნიკოია არც ისთე შტერი და ჩობანო ყაძახი ვარ, ზოგიერთს რომ გონია; მართალია ბევრი აფერი მისტავლია, გოგეიე აბუსეროძის კლასი ძგულეე გავათავე, მარა თუ ტრაბახობათ არ ჩამთვლით ზოგიერთ ნასტავლებს არ ჩამოგჩები; ბუნებით ნამდვილი ცოციალ-დემოკრატი ვარ, მარა აი ქალების რავნო პრავეი კი არ მომწონს და სხვია შენ იცი.

არა ბიჭო გოგია! იგი ჩვენი ქალებია ასე თვარა ქალაქში სულ ნასტავლი და ქკუიანი ქალებია...

— პა, პა, პა, პა! არ მოგატყუოს ვინემე, იქინეც ქე ვყოფილვარ, მართალია იქანე ნასტავლი ქალები სულ ბეურია, მარა იგი სტავლა მარტო იმაში სჭირია ვინცხა გადარიოს. ქე ვიცი იგინის სეკრეტში ქე მიყურებია ძამია ქალაქშიც. ერთი გევიხედე და კონკაში ჩაფრენია ვინცხა ქალი ყაზახს: ვიფიქრე აქა საცხა სიყვარულ უხსნის მეთქინ; თურმე ძირს უნდა ჩამეითრიოს, შენ რაფა შემასარი კონკაშიო. მერე იმისანე კი იყო იგი შეჩვენებული რომე, ხომ კაი ქალია ჩემი პელაგეი, მარა იმასან ნი პრიწ. აბა მუშტაიდში რომ შობიენ იგი ჩემმა ტერმა თქვა.

იქანე კრებაზეც ქე მიყურებია. რომ მოაწყობენ სომხის გიტარასავით მიდიენ და მიდიენ თოხაროკით, არც სიტყვის ნებას თხოულობენ და არც საქმისას.

ახლა ვინცხამ იგიც კი თქვა რომ იგი რაცხა დამფუძნებელი კრებაა იმაზე ქალებიც უნდა გუჟუშუათო. დევიქეცია და იგია. ჩემი ქალი თუ გუ

მუშაკი პროვინციაში

მოგზაურობა, როგორც ასეთი

ამ მუხლში მინდა შევეხო მოგზაურობას, როგორც ასეთს.

უპირველეს ყოვლისა სიტყვა — „როგორც ასეთი“, უნდა გაიგოთ სხვა-გვარ და არა თითქმის ისე, როგორაც მე ვიმოგზავრე.

ქართველი კაცის ბუნებაში ისე მქიდროთ და ღრმით არის ჩამჯდარი სიყვარული მოგზაურობისადმი, როგორც სიყვარული საზოგადოთ ყოველგვარ საქმიანობისადმი. მე უტყუარი ცნობებით შემიძლია დავამტკიცო, რომ არ იქნება არც ერთი ჩვენი წარჩინებული მ. ღვაწე, რომელსაც მცხეთა არ ენახოს, თუნდაც მატარებლის ფანჯრიდან. ბევრს მათგანს უნახავს ქ. გორიც და ზაფხულობით სურამ-ბორჯომშიაც შეუვლია. ერთი სიტყვით, მოგზაურობა, ეს ქართველი მოღვაწის თანდაყოლილი თვისებაა და ალბათ ამით აიხსნება სიმრავლე ჩვენი სამშობლოს აწერილობათა, მისი რუქებისა და მხატვრული გამოცემების სიმრავლე და სიმშვენიერე.

მეც, როგორც ქართველს, მუდამ ერთი მოუშორებელი აზრი მიტრიალებდა თავში: როგორმე მოგზაური ვაგონდარიყავი და ამ დარგში მაინც თავი შესახელებია. მე როცა ცხადში იმდენი შემოგზავრა, რამდენსაც სიხმარში ვიდოდი, მიხანი ჩემი მოღწეული იქნებოდა. მაგრამ გამოირკვა, რომ სიხმარში მოგზაურობა გაცილებით უფრო ადვილი მოსახერხებელია, უფრო ნაკლებ დროსა და ხარჯს თხოულობს, ვიდრე ცხადლივ მოგზაურობა. ამ გარემოებამ ერთობ მწარეთ ჩამაფიქრა და სასოწარკვეთილებაში ჩამავლო.

ბლოკი აკაკი ჩხენკელთან.

ცველაფერს ბოლო აქვს ამ წუთისოფელში (გარდა თედო ღლონტის წერილებისა) და აი ჩემს ყოყმანსა და უიმედობას ბოლო მოელო. ჩემს თანამშრომლებს მე ჯოხზე ვაღამჯდარი ვმოგზაურობ ჰგონიათ და მისაყვედურებენ რისთვის არ ვეწვევი ხოლმე ამა-თუ იმ სოფელს, ამა თუ იმ ხულიგანის გასასწორებლათ. ეს შეცდომაა. იყო დრო, როცა ჯოხზე ვაღამჯდარი დაენაფარდობდი ჩემს ეზოში, (როგორც ახლა ფედერალისტები შევებიან საქართველოში) მაგრამ მას შემდეგ ერთობ დიდი ხანია.

ახლა მე სულ სხვა ხერხს მივმართე. ბლოკი შევკარ ამ. აკაკი ჩხენკელთან. ჩვენ პირობა დავდეთ ერთად ვიმოგზავროთ, ხოლო მოგზაურობის დროს გავინაწილოთ ფუტკეები ამ გვარათ.

ა) აკაკი ჩხენკელი, როგორც წარმომადგენელი დროებით მთავრობისა, ვალდებულია მართოს კრებები, სიტყვები წარმოსთქვას აღნიშნულ კრებებზე, მიიღოს სხვა და სხვა დაწესებულებათა დელეგაციები, მიიღოს მთხოვნელები და პასუხი გასცეს მათ: მოარიგოს რევოლუციონურ ორგანიზაციათა და უბრალო მომაკვდავთ შორის ჩამოვარდნილი უთანხმოება; მიიღოს ღონის ძიებანი სამგზავრო საშუალებათა გაიმონახვის შესახებ და მოახდინოს გაკარგულებანი ამ მხრივ.

ბ) ჩემს მოვალეობას შეადგენს არცერთ ზემოხსენებულ საქთბთა გადაქრაში არ ჩავერიო.

პირველ მოგზაურობაზე, რომლის შესახებაც მე მსურს ქვემოთ თქვენთან ლაპარაკი, ჩვენ კონფლიქტი არ მოგსვლია, (იმედია არც მომავალში მოგვივა) ვინაიდან ორივე მხარე პირნათლად ასრულებდა თავის წმინდა მოვალეობას.

მე თუ ჩვერევი მის საქმეში ეგ მხოლოდ და მხოლოდ სადილის დროს და აქაც ანსამბლის ვიცავ.

სადამოს ათ საათზე ბათუმიდან ჩვენ ზღვაში შეეკურდით და „დავწყვიტ“ ჩრდილო-დასავლეთისაკენ.

წამოსანი, რომელმაც თავის გამურულ ზურგზე შეიხიზნა ჩვენი გჯუფი, სახელად ერთობ „სისტოკ“ რასზე აღარებს. ზღვაზე ფურთქლი იყო, პატარა რკინის ვარცხლი ნაფოტივით ქანაობდა მის ტალღებზე. ზღვა, ეს ჩემი სტიქიაა: მიყვარს იგი მღელვარე და მრისხანე, როცა ნაპირის ქვაზე ვსიყვარ, ხოლო მიყვარს წყნარი და მღუმარე, როცა გემზე ვიმყოფები. თუ არა ვცდები ამხანაგი აკაკო სავსებით იზიარებს ჩემს შეხედულებას ზღვათა შესახებ.

მაგრამ უნდა მოგახსენოთ, რომ მეზღვაური ერთობ გულზეიღნი და ამაყნი არიან. მათი აზრით ზღვაოსნობა მხოლოდ მეზღვაურმა იცის და აგრონომს, გინდ იუმორისტს, უკეთ ვსთქვათ ერისკაცს, მისი არაფერი გაეგება. ამას იგინი მართალია აშკარათ არ ამბობენ, მაგრამ მათ სახეზე დაუკვირვებელი თვალიც ამოიკითხავს პროფესიონალურ ამპარტავნობას. ამიტომ ვადავწყვიტე პირველ შემთხვევისთანავე განმეფანტა მათი ილიუზიები და დავეწყე მუსაიფი.

— თქვენი გემი მხოლოდ ზღვათა ფარგლებში ცურაობს, ხმელეთი მას არ ეხებება. წარმოვსთქვი მე და მეზღვაურის სახეზე შურის ღიმილმა გაიბინა.

— რასაკვირველია.

— და ეს იმით, რომ რკინის გზა არ არის მისთვის მოხერხებული. ჩენის აზრით აშკარაა წყალი აბრკოლებს მის მოძრაობას, ვინაიდან წინ ეღობება მის როგორც მასსა.

— დიახ, აბრკოლებს.

— ამ დაბრკოლებას სძლევეს ორთქლის ძალა. აბრკობული წინამღებობაა: წყალი აბრკოლებს, წყალივე სძლევეს დაბრკოლებას.

ვგ როგორ?

— სრულიად უბრალოთ. თქვენ უნდა იცოდეთ, რომ ორთქლი იგივე ვამდნარი წყალია.

თითოეული ჩემი სიტყვა მძიმე ჩაქუჩივით ვცემოდა მეზღვაურის თავმოყვარეობას და ამხანაგვდა მას.

— თუ არ საჭე, თქვენ რასაკვირველია არ

შეგეძლოთ გემისათვის ამა თუ იმ მიმართულების მიცემა.

— დიახ, საჭეს სწორეთ ისეთი დანიშნულება აქვს,

— ზაფხულში აღბათ სიცხე გაწუხებთ და ზამთარში სიცივე.

— კექმარტი ბრძანებაა.

კიდევ ორიოდ მოსწრებული წინადადება და მეზღვაური თავაზიანი ბოდიშით მომშორდა. რაღაც საქმე მოიმიზეხა, მაგრამ მე ნათლად შევნიშნე მის სახეს უკმაყოფილების ნიშნები. ასე შურიანია ადამიანი! მას თითონ უნდა გველაფერის მცოდნე და ყველაზე უკეთესი იყოს, ხოლო თუ შევეკამათე და აჯობე ის ჯავრით სკდება.

გ ა ბ რ ა .

15 ივლისს, დილის 8 საათზე ჩვენი გემი სამოთხის ნაპირს მიაღწა. ამ სამოთხეს ადგილობრივი მცხოვრებნი გავგრას ეძახიან. რამოდენიმე მალაღსა და მწვანით შემოსილ მთას არხენათ მოუკეცია ფეხები ანკარა ზღვის ნაპირას და ღიმილით იცქირებიან მის გულში. მათი ვიწრო კალთა, როგორც ფერადი აბრეშუმის ფართალი მოუქარავს ათას გვარ უცხოსა და ჩვენებურ ყვავილებს, რომელთა ხელოვნური შეჯგუფება სოცნებოთ ეთანხმება თვით ბუნების ხელით ნამოქმედარს.

კმარა ეს გავრის გარეგნობაზე. გაივსე რა ჩვენი (ჩემი და აკაკის) მისვლა, ხალხმა თავი მოიყარა და დებუტატის ირგვლივ მრავალრიცხოვანი წრე გაკეთდა. რასაკვირველია წარმოითქვა სიტყვა და გაისმა „ურა“.

(არ მკვს უფლება დავმალო, რომ რუსის ხალხისა მე ყველაზე უფრო მომწონს „ურა“.)

ავედი მთის ძირათ, ფერდობზე გაშენებულ შევნიერ სასტუმროში. ათასდ ჯურის ხალხი, ათასი ჯურის ლაპარაკი. ყავის დაღვევაც ვერ მოვსწარი, რომ „აღმასრულებელი კომიტეტი“ უკვე შეკრებილ იყო და ამხანაგი აკაკი იმათთან სასუბროთ გაემართა.

მე აქ პირველათ შევნიშნე და გავიცანი ამ

უშუეს იქინე ყველაზე უწინ იყვირებს: გოგონას მიწა ჩამღართვით და ქვეყანას დუჟურიგოთო.

თუ ღმერთი არ აღირსებს თვარა დევიდუპეო კეკალი კაცი და იგია.

გურული ბიჭი.



ფოთი.

(ბუტუნას სააგენტო).

საარჩევნო კომპანიაში მონაწილეობას იღებს: 6000 ამომრჩეველი, 5 პარტია, 1 უპარტია, 2 ადგილობრივი ქართული გაზეთი, (მოსალოდნელია კიდევ 3 გაზეთი), 6500 ავიატორი, 606 გაზეთის დამტარებელი ქალი. 3 სოფრადი პროვოკატორი, (მეგრულ გურულ ნაციონალისტთა შორის და რამდენიმე ყოფილი ოზრანიკი).

მოსალოდნელია დიდი ჯახი და მცირე შედეგი გარდა № 1 სა.

გურნალ-გაზეთების კიოსკს მოადგა დასარბევად ქართველი „რეზონორები“. ბრძოლაში სათანახევარს გასტანა. კიოსკი ჯერ უვნებლათ გადარჩა. მიღებულია ზომები წესიერების აღსადგენად. დარბევის მიზანი სოც. დემოკრატობა აღმოჩნდა.


ქალაქის აღმასრულებელ კომიტეტში უკანასკნელ სხდომაზე უკანასკნელი „სპორტი“ გაიმართა. „სპორტსმენები“ — სა — შეილი და ლ — ვა ღორ და ღორ*) დარჩნენ.

*) ღორ და ღორ „ლათინურად“ ქიდაობაში თანსწორებას ნიშნავს.

ღანჩხუთიდან ცნობა მივიღეთ, რომ ნათლის-მცემლის ახალ სამკითხველოს გამგეობას ამ დღეებში ქიდაობა ვაუმართავს სამკითხველოს მატერიალურად მოლონიერების მიზნით. ქიდაობა სამკითხველოს შენობის წინ მომხდარა. მოქიდავეთ გამოსულან გამგეობის წევრები: სულიერი მოძღვარი მამა ხომერიკი და ხორციელი მოწაფე მისი ს. ცინცაძე. სეკუნდატებათ დასწრებიან მოქალაქენი სირია ურუშაძე და ბათლომე გვარჯალაძე. ქიდაობა აზიურ ცაიდაზე მომხდარა. გამარჯვება პირველათ მამა ხომერიკს ხდომია წილად, მარა, ბოლოს და ბოლოს ცინცაძეს მოძღვრის გრძელი თმა უხვლთებია და მოგვერდის უქნია სულიერი მამიზა რომელიც ყირაზე გადაუტანია ცინცაძეს. ქიდაობას მაყურებლები საკმაოთ დასწრებიან, ხოლო შემოსავალი კი მოძღვრის ერთი მუჭა თმა და ცინცაძის პერანგის საკინძე დარჩენილა.


იქიდანვე. კოპერატორ გიორგაძის გასამართლების გამო დიდ მწუხარებას განიცდიან კოპერატორების ამხანაგობა, რადგან ქუთაისის საგუბერნიო სასურსათო კომიტეტს გიორგაძე „მართლად“ უცენია და საპატიო ადგილი მიუცია საგ. კავშირში, მარა ღანჩხუთელების „უმწეო“ მდგომარებაში თვითონ გიორგაძე შესულა და საგუბერ. კავშირიდან გამოსულა თანაც გაზეთშიც ჩაუგდია ეს ამბავი და აცხადებს („ს. დე-ტი“ 30 V/II) „ცილის მწამებელ კომისიას შავ დღეს დავაყენებო“ აღბათ გიორგაძე კულაშელი ებრაელის და მიქელაძის „ცნობილ კანონით“ ისევმძღვანელებს.

იქიდანვე. რკინის გზის სადგურზე მისავალს, დასავლეთით მხრიდან, ადგილობრივ სადგურის უფროსს მოუწყვია „ოდე კოლონის“ ზაოდი, სადაც მგზავრები „იშვიათ“ სურენლებით სტკებებიან ბაქანზე სვირნობის დროს. ამ ადგილზე თურმე უწინ „ოტერქლოუზი“ იყო და ეხლა „პროგრესის“ ძალით ასეთი წინ სვლა მომხდარა, რაც ხსენებულ სადგურის უფროსს უნდა დაემადლოს.





რომ ყველა ჯამაგირის მომატებას თხოულობს და აი ინჟინერი კახანოვი, (თუ არა ვსცდები წარმომადგენელი ფრანგთა საზოგადოებისა) თხოულობს ფასის 300% გადიდებას. ამაზე არ თანხმდება რკინის გზის წარმომადგენელი ინჟინერი. (გვარი და-



მაიფიცდა). და მოითხოვს ფრანგებისაგან საქმის ჩამორთმევას. უკანასკნელი ინჟინერის მხარს იჭერს შრომის კომისარი ბენიამენ ჩხიკვიშვილი. ამასვე მოითხოვს ქალბატონი „გზის ინტერესი“ც. ამიტომ საქმე სწყდება მათ სასარგებლოთ: ფრანგებს ჩამოერთვა იჯარა, რომელიც გადაეცემ უფრო მოსაქმე მოიჯარადრეს.




შემდგომად ამისა გაიმართა მუშათა მიტინგი, რომელზედაც აკაკი ჩხენკელმა ვრცელი სიტყვა წარმოასტკვა: ხალხმა ის ხელით მოიყვანა და ჩამოსვა ეტლში, რომლის ღროს კინაღამ ფეხი ატკინეს. მიტინგიდან ჩვენ „მუშათა და ჯარისკაცთა“ საბჭოს სხდომაზე მიგვიწვიეს. აქაც ხანგრძლივი მუსაიფი შეხვედა აკაკი ჩხენკელს.

დაახლოვებით ნაშუადღევს ორი საათი იქნებოდა, როცა ჩვენ გაგრიდან ახალ გაგრაში გამოვემგზავრეთ. აქ უკვე საერთო საქმე გვქონდა გადასაწყვეტი, ვინაიდან, როგორც ზემოთ აღვნიშნე სადილის საქმეში მეც ვიღებ ხოლმე მხურვალე მონაწილეობას. მეტადრე აქ ბანა შენგელიამ ისეთი საკითხები დაგვახვედრა გადასაწყვეტი, რომელიც მთელი ჩვენი ენერგიის მობილიზაციას მოითხოვდა.

წარმოითქვა რამდენიმე მგრძნობიარე სადღეგრძელო, (მათ შორის მეორე მე შემეხებოდა) რომლებშიაც გაშუქებულ იქმნა ამა თუ იმ მოღვაწეთა მნიშვნელობა. სიმორცხვე ნებას არ მაძლევს გავიგეორო აქ ყოველივე ის, რაიც მოღვაწეობის ჩემის შესახებ ნადიმზე წარმოითქვა. ან კი რა მეჩქარება, მოვეკვდები და ათასჯერ მეტს იტყვიან.

ნაშუადღევს გავემგზავრეთ ახალი გაგრიდან გუდაუთისაკენ. რომ მკითხველისათვის გასაგები დარჩეს არე ჩემი მოგზაურობისა, უმოარჩილესად ვსთხოვ გადახედოს ქვემოთ ამისა მოთავსებულ რუქს.



მშვენიერი საეტლე გზა თითქმის გვერდით მი-
სდევს სარკინის გზა ლიანდაგს. ირგვლივ მშვენიე,
ტროპიკული მცენარეებით შემოსილი ბაღები და
მშვენიერი მთები.

მდინარე ბზიბი, ეს უდიდესი მდინარეა ამ
რაიონისა. დღეს დღეობით იგი საზღვრავს ახალ-
შობილ გაგრის ოლქს სოხუმის ოლქისაგან. მდინა-
რის პირად გაშენებულია კარგა მოზრდილი სოფე-
ლი **კალდახვაძე**. აქედან გზა მთიან ადგილებში
აღის გადაივლის სოფელ **ბიჩმიშხე**, **ჩუბურხვახე**,
ზვანდრიშხე და შედის დიდ სოფელ **ლოხნი**ში.
გზა და გზა ჩვენი ყურადღება მიიპყრო წკრილ-
ფოთლოვან პურეულმა მცენარემ. ის უხვად იყო
ნათესი გზის ორივე მხარეზე. მე, როგორც აგრო-
ნომი, საგონებელში ჩამავლო ამ უცხო მცენარემ.
ის ძლიერ ჩამოგვაედა სიმიდს, მაგრამ სრულიად
არა ჰგავდა მას. გამოირკვა რომ წინა დღით ჩა-
მოველო სეტყვას და მშვენიერი ყანები სიმიდისა
ასე უცნაურათ გადაესხვაფერებია. დეპუტატი ჩვენ-
კელი ერთობ დაალონა ამ გარემოებამ, თუმცა სა-
სიხარულოდ არც შე დამრჩენია.

სოფ. **ლოხნი** დიდი და მდიდარი უნდა იყოს.
განსაკუთრებული ყურადღება ჩემი აკაკიმ ლიხნის
მონასტერს მიიპყრო. მართლა მშვენიერ ალაგას
არის იგი აშენებული. ლიხნი გუდაუთის შესავა-
ლია. ამგვართ საღამო ხანს ჩვენ უკვე გუდაუთში
ვიყავით, სადაც სასტუმრო „რუსეთს“ შევხიზნეთ.

გუდაუთი კარგა მოზრდილი და ლამაზი დაბა
ყოფილა, რომელმაც ამ რევოლიუციის დროს მი-
იღო აღმატება და ქალაქის საფეხურზე შედგა.
ჩვენ უკვე დავიხვდა გაკიდული საარჩევნო რეკ-
ლამები, რომლებიც მოუწოდებდნენ მოქალაქეთ
ხმის სოციალ დემოკრატიისათვის მიცემას.

სასტუმროს წინ გაიმართა მრავალრიცხოვანი
კრება, მაშალგებით ხელში, რომელსაც აკაკი ჩვენ-
კელმა ვრცელი სიტყვით მიმართა. მითინგიდან ხა-
ლხი „თავისუფლების მოედნისაკენ“ გაემართა, სა-
დაც წარმოითქვა საარჩევნო სიტყვები.

აკაკის წარუდგა უზნეს კომისარი ამხ. ლაკობა,



რომლის სურათის გადაღება ვერას გზით ვერ მო-
ვახერხე, სიბნელისა და სიძნელის გამო. როგორც
გადმომცეს უზნის შავ ძალებს მისი მიზნით ციება
აღარ შეეყრებათ ისე ჰყოლია დაშინებული. თავის
თავად ის საშიშარს თითქმის არაფერს არ წარმო-
ადგენს. მეორე დღით (დამე არ მინდა გავისხელო,
ვინაიდან სასტუმროში თავგმა ფეხსაცმელები და-
მიხრა) მიმოვიარე ქალაქში; დავათვალიერე ბაღი
და ზღვის პირები. ამ ჩვენკელი კი კვლავ ემუსაი-
ფებოდა სხვა და სხვა დეპუტაციებს.

დილის 11 საათი იქნებოდა, როცა დავუტო-
ვეთ ბენდიერი გუდაუთი და სოხუმისაკენ გამოე-
მართეთ.

ფედერალისტების „სარეკო- ლიუსიო“ კლუბი.

წინა კვირას სხვა და სხვა „საეშმაკო“ მონ-
დობილობით ლენჩუში მოგზაურობა მომიხდა. ერ-
თი ღამე დ. ლაილაში ვაჯათიე. საღამო ჟამი იყო.
ბაზარი ხალხით გაქედლილი. აქა-იქ შეჯგუფული
წრეები რალაცაზე ცხარეთ კამათობდნენ.

— მებრალეობია, ძმანო და თანამემამულე
გლენხო, — უხსნიდა შევეგრემანი ორატორი იქ
მდგომთ, — რომ თქვენ ვერ გაგიგიათ სოც.-დემო-
კრატების ევრაგობა: იმათ თქვენი ვალატაკება უნ-
დათ, ისინი სამშობლოს მტრები არიან.

— მერე რა ღმერთი გაუწყრათ, ბიძია, რომ
თორმეტი წლის განმავლობაში ერთი გლენხი ვერ
ვალატაკეს! შენ ეს მითხარი, შენი პარტია ამდიდ-
რებს გლენხებს? — შეეხასხება იქ მდგომი ხანში შესუ-
ლი გლენი.

— დიახ, მამულის შეილო, ამდიდრებს! მთე-
ლი მიწა მშრომელი ხალხის ხელში უნდა გადავი-
დეს, მიწაზე საკუთრება უნდა მოისპოს და ვისაც
რამდენი უნდა, იმდენი უნდა დაამუშაოს, სადაც
უნდა და როგორც უნდა.

— შე დალოცვილიო, — ჩაერია მეორე გლენი:
ორი ნაჭერი ვენახი ვაი-უბედურებით გამოკეთებია,
აქედან ველი აშენებას და შენ მეუბნები მიწაზე
საკუთრება უნდა მოისპოსო და სადაც გინდა, რამ-
დენიც გინდა, იმდენი მიწა გექნებაო. აი, ეს არის
მართლაც მატყუარობა. (შეიქნა ჩოჩქოლი. ხმები
ისმის: „არ გვინდა ასეთი პარტია, მოგვშორდით
თავიდანო“ და სხვ.).

მე ამ ჯგუფს გაეშორდი და მეორე ჯგუფის
კამათს მივაქციე ყურადღება.

— ნახავთ თქვენს თვალის სერს, რომ სოც.-
დემოკრატიები ყველას ვავალატაკებენ და მაშინ ვა-
ვანსენდებთ ფედერალისტების „სარეკოლიუსიო“
პარტია, მაგრამ მაშინ გვიან იქნება, — ნიშნებით
ლაპარაკობდა მეორე ჯგუფში მდგომი ქერა სტუ-
დენტი.

— აი, როცა სოც.-დემოკრატიები ვავალატა-
კებენ, — შეეკამათა ერთი გლენთაგანი, — მაშინ თქვენ-

თან მოვალთ და თქვენ ვავამდიდრებთ! (ასტყდება
საერთო სიცილი).

— დედა არ მომიკდეს თქვენ არაფერში შე-
საბრალოსი არ იყოთ... თქვენ უგუნურები ხართ...
— გაწყრა ქერა სტუდენტი.

— სწორეთ ასე გვეუბნებოდნენ, ემაწვილო,
თქვენი წინაპრები: „თქვენ არაფერში დასაზოგავი
არა ხართო“. ნუ თუ იმათაც ვებრალეობოდით? მარ-
თლაც უგუნუ ები ვართ, რომ თქვენ ყურს გიგ-
დებთ! — შენიშნა მეორე გლენმა.

— რა უ... უყყყოთ მერრრე! — წაექომაგა ქერა
სტუდენტს ელაში სტუდენტი, — იმათ იისი დრარო
ქოონდათ და ჩვევენ კიიი სტუდენტეები ვარრრთ,
განაათლებულული...

— რას ენიჩინებთ ამათ, ამფხანაკებო, წავი-
დეთ ჩვენს „სარეკოლიუსიო“ კლუბში, გვიციდან,
— გააწყვეტინა სიტყვა ალექსანდრემ.

ისმის ხმები: „სარეკოლიუსიო“ კლუბში წა-
დით, თორემ მუშებით გაქედლილი არ დაგხდეთ! —
ასტყდება სიცილ-ხარხარი. ცოტა ხნის შემდეგ შე-
ბინდა, ხალხი წავიდ-წამოვიდა.

მე ჩემს ნაცნობს ვსთხოვე ესწავლებინა ფე-
დერალისტთა „სარეკოლიუსიო“ კლუბის ბინა.
ამხანაგმა მალე ამისრულა თხოვნა. კლუბი მარ-
თლაც მშვენიერი აღმოჩნდა. იგი განათებული იყო.
შორიდანვე შემომესმა მხიარული სიცილ-კასკასი.
აივანში ავედი და გაღებულ ფანჯარას მიუჯექი,
საიდანაც ყველაფერს კარგათ ვხედავდი და ვისმენ-
დი. ფედერალისტების კლუბი მართლაც „სარეკო-
ლიუსიო“ აღმოჩნდა. მხიარულათ საუბრობდნენ
ხუთიოდ სტუდენტი, ხუთიოდ მასწავლებელი, ხუ-
თიოდ ჯერ კიდევ გადაუყენებელი „კაკარლონები“,
ხუთიოდ მოძღვარი, ხუთიოდ ფოტოღია, ოცდა-
ხუთიოდ ბარიშნა-ბანოვან-მანდილოსნები, ერთიოდ
ალექსანდრე, ერთიოდ ც გრიშა და, კარგათ არ
მხსოვს, მეორე ხუთიოდ ორ-სკამზე მჯდომი ყაღ-
თაბანდი მიკიტან-ვაქარი. ვილაცამ ნაზის ხმით დაი-
წყვილა: „შორის გზიდან სატრფოს ველი“, შო-
რიდან მოისმა მძღვარი სიმღერა ახალგაზრდებსა:
„ზურგი ვაქციოთ ძველ ადათ წესებს“... „სარე-
კოლიუსიო“ კლუბი თითქმის შეკრთა.

— გაგინმათ თავები, რავე ბღავიან! ჟუი-
ოჩენ нужна! — უკმაყოფილოთ წამოიძახა ცაცუ-
ნიამ.

— კვლავ წინანდებურათ აიშვეს თავი და პრწაშს, წინანდებურათვე დამარცხდებიან... ბრბო! — დაამატა ერთმა ბანოვანმა.

— Терпѣт не могу, კუკლიკა არ მომიკვდეს! რა ხალხია? — მოუთმენლათ წარმოსთქვა მარუსიამ, — მე ჩემი ქვეყანა მიყვარს, ჩემი ქვეყანა პრწაშს, ჩემი ქვეყნისათვის ვიბრძვი, ჩემი, ჩემი...

— კაი, ქალო, ნუ გადირევი, ხელს ნუ გადაყობი და არაფერი მინდა შენი, — გააწყვეტინა სიტყვა ალიოშამ.

— ამფხანციებო, მარუსია სრულ ქეშმარიტებას ამბობს, — წაექომა ალექსანდრე, — ჩვენ ჩვენი ქვეყნისთვის უნდა ვიბრძოდეთ, და მისთვისაც ვართ „სარეგოლიუციო“ პარტიის წევრები. მართალია მე ერთ ღროს პოლიციელი ვიყავი „სისკნოში“, მარა ისენი მე ყოველთვის მძულდა და მიტომატ ათასიოდე მანეთი შეუქამე ძველ რეჟიმს და თუმცა ამისთვის ციხეში ჩამაჯდინეს, მარა რა უყოთ, „რეგოლიუციონერს“ მაშინ ყველას ატუსაღებდნენ, ამით ვამაყობ მეც (ფიცხელი ტამის ცემა).

— უი, რა კარგია, რა ლამაზია! — წასჩურჩულა ერთმა ბარიშნათავანმა მეორეს.

— ამას მეორე სტუდენტი ჯობს, — შენიშნა მეორე ბარიშნამ.

— ყმარწვილებო, — მიჰმართა მიხამ იქ დამსწრეთ, — ჯერ უსურვოთ ჩვენს სამშობლოს დღენგრძელობა... ბლოგს ბერდიი, ხინჩლი, რონეს შეყრილან სმაზედა...

— ბრავო, ვაშა, მიხა! — შესძახა სტუდენტმა გივამ, — რაც უნდა იყოს მიქაძე სჯობს კორძაისო, მართალი ნათქვამია, დედა არ მომიკვდეს.

— შუშთამაჰააველორობას დიიდიი შნიშუნეველორობა აქვევსს ადამიიანიიისს ტვიიანიის კოოოლოოოფზეეე, — წარმოსთქვა ელამმა სტუდენტმა.

— მერე შენზე ვერაფერმა ვერ იმოქმედა? — შენიშნა ცაცუნამ. (სიცილი).

— არარ მოოოოგწოონვარ თუუუ?

— Очен нужна...

— დემოკრატებმა პარტიაში არ ჩამწერეს, — ანაცხადა ერთმა ბარიშნამ, — ოცი წლის ვერ ხალა და...

— უი, იქნე მინც არ ჩვეწერები, რომ...

очен нужна... რას გავენ, დაძონძილ-დაკონკილები, — ჩაერთა ცაცუნია.

— რა ვქნა, კუკლიკა არ მომიკვდეს, ვსწუხვარ, მარა რაცხა ვერ ურიგდები იმათ საქციელს, სიბინძურეს, მუსიფს, ზრდილობას, — დაუმატა მარუსიამ, — ამხანაგო, ამხანაგო — გაიძახიან; რის ამხანაგო, რა ამხანაგო, მიდღემში ტკბილეულობა არ უქამიათ... НѢТ, НѢТ, ОНИ НЕ ПОИМУТ НАС, а МЫ ИХ...

— რას ბოდავ, ქალო, ჩემიანი, ქართველები, ქართველებიო, რომ ვაძახი, განა ისენი ქართველები არ არიან? — შენიშნა ალიოშამ.

— ქართველი ყველა ერთი კი არ არის... აბა ისენი ინტელიგენტები არიან? არაფერი არ გაგეგება და ისე говориши, молчи пожалуиста...

— მართლაც ვერაფერი ვამიგია... (ამოქნარებს).

— დიდი გიორგი ზდანოვიჩი თუ ქართველი არაა, — თავ-მოწონებით წარმოსთქვა ერთმა ბანოვანმა, — ფრიადა ჰვავს ბეგოს, ხეთისოს, ილიას, დიმიტრიას და თუ ვნებავთ იმათ მეთაურებს, და...

— გიორგის იცნობთ? კარგათ იცნობთ გიორგის? ახლო ნაცნობია გიორგი? — ერთხმით შეეკითხნენ სტუდენტები ბანოვანს.

— რასაკვირველია, რომ ვიცნობთ! — ამაყათ უბასუხა ბანოვანმა, — გიორგი, კიტა და იაზონი დადი ხანია, რომ შწრთენიან, მავარჯიშებენ, მათამაშებენ და ამიტომაც ვახლავთ, რომ ჩემი „სტატიები“ ხშირად იბეჭდება „მეგობარში“.

— Вот как!.. დიდებულისა! замечательно! восхитително! — აღფრთოვანებით წარმოსთქვეს სტუდენტებმა.

— დევიწვი, დევიხრაკე, ბიქო... — წასჩურჩულა შავგვრემანმა სტუდენტმა ქერას.

— ტყვილა ნუ იწვი... მაგან ბევრი შენისთანა დააღწო, მარა... — შენიშნა ქერა სტუდენტმა.

— ბატონებო, თქვენ ეს მიბრძანეთ, დრამის და ავტოკეფალობის საქმე როგორ იქნება? — ჩაერთა ვანო ხუცესი.

— მამაო, რა ღროს დრამა, — უბასუხა ქერა სტუდენტმა, — ეხლა რეგოლიუციაა და ამას უნდა ვწვირებოდეთ. ხომ ხედავ ფედერალისტთა „სარეგოლიუციო“ პარტიას რამდენი საქმე აქვს.

— ხუცესო, ესენი არაა ჩვენი საქმე, წავი-

დეთ, — წასჩურჩულა ერთმა ფოფოლიამ და თან მკლავში ხელი გაუყარა).

— ესენი, აბა შენმა სიცოცხლემ დემოკრატებია ჩვენი საქმე და კაი დღესაც დაგაყენებენ, — შეუტია ხუცესმა.

— გაიგონეთ, იმ ურიამ დღეს რა მიიხრა: შენისთანა მექრთამე არავინ ყოფილაო, — მოახსენა ალექსანდრემ კრებას.

— ისეც გავიგონე, რომ არ გვინდებხართო. — დაამატა მიხამ, — მარა რა უყოთ. ყმაწვილებო, ჯერ უსურვოთ...

— მომიტევეთ, მომიტევეთ, простите. но это не так... — შეაწყვეტინა არსენმა.

— მოვა დრო და ჩვენს ქუჩაზედაც ინათლებს! — იმედინათ წარმოსთქვა ვარლამმა.

— გენაცვალე, რა კარგია მე არავისი არ შეინია, რა უყოთ მერე, — დაემოწმა ცაცუნია.

— მამა არ მომიკვდეს, აქ ყოფნას არაფერი ჯობია, — დაამატა ღიმ მორეულმა ქერა ბარიშნამ: შეხედე იმ სუტენტს, რა თვალეები აქვს.

— უი, მე აბა ის უფრო მომწონს, ის გაბუნდოლებული რომაა, ხა, ხა, ხა! — გადიკასკასა ტანწვრილა ბარიშნამ და თან თვალეზე ხელი მიიფარა!

— რას იფარებ თვალეზე ხელს, რაის გრცხვენია? სიყვარული სირცხვილია? очен нужна!

— ჩვენთვის არავინ რჩება! — უთხრეს დაღონებულმა ორმა ბარიშნამ ერთმანეთს.

მიხა, არსენი, ალექსანდრე, ორი ხუცესი და ზოგიერთი ხნიერი გასათხოვარ-ვათხოვილი ზოგნი თვლემენ და ზოგი უკვე ხვრინავს. სტუდენტები, ბანოვანნი, ვარლამი, ცაცუნია და რამოდენიმე ბარიშნა ერთი-მეორეს ემასხრებიან, იცინიან, ღლიბუცობენ. ამ დროს შემოვა „სარეგოლიუციო“ პარტიის წითელი მილიციონერი გრიშა და ერთს სტუდენტს ჯიბიდან საფულეს ამოაცლის. შეიქნება ჩოჩქოლი.

— ამხანაგებო, — განუმარტა გრიშამ, — მე ეს

განგებ კი არ მიქნია, ჩვეულებათ მაქვს, რომ უსათუოთ რაც სხვის ჯიბაშია, ის ჩემს ჯიბაში უნდა გადმოვასახლო, აბა!

— რა უყოთ, ამხანაგებო! მაგი კლექტომანი ყოფილა და, დედა არ მომიკვდეს, სირცხვილი არ იყოს, — წაეხმარა სტუდენტი გიგა.

ამ დროს შემოდის არღნითა და ღვინით ხელში „სარეგოლიუციო“ პარტიის „კომისარი“ ვასო, რომელიც მდერის: „ეგ არის რომ მომაგონებს ჩემს სამშობლოს დაჩაგრულსა“.

— ეხ, მეზურნე დაჰკა, დაჰკა, ბლოვს ბერღია! — შეპყვირა მიხამ და ზეზე წამოვარდა.

— მომიტევეთ, простите, — ჩაერია არსენა.

— ვარლამს აკლია დიდი სტაქანი, — შენიშნა ალექსანდრემ.

— არა გრცხვენიათ, რას შვრებით, — შეუტია უკმაყოფილო ბანოვანმა.

— შე დალოცვილო ყველა გიორგი და კატა კი არა ვართ, — უბასუხა ალექსანდრემ.

„სარეგოლიუციო“ კრება თანდათან იშლება. ერთი ჯგუფი ღვინის გარშემო იყრის თავს, ხუცეები და ფოფოლები უკმაყოფილოთ გარბიან, ვაქრის ცოლები ზანტათ მიიზღაზნებიან. სტუდენტები, ბანოვანნი, ცაცუნია და სამიოდ ბარიშნა მკლავი-მკლავში გაყრილი მიბარბაცებენ. მთვარიან ღამეს განცვიფრებაში მოყავს ისინი. ალიოშა და მარუსია ცხარე კამათით აფთიაქისკენ მიისწრაფიან. „სარეგოლიუციო“ პარტიის „რეგოლიუციო“ ამ საღამოს ზემოთ ნათქვამით თავდება. შორიდან კი მქექარა სიმღერის ხმა მოისმის: „ზიზლით უცქერით ჩვენ ოქროს კერპებს, მეფის ტახტის ვართ მოსისხლე მტერი“.

მხიარულათ მოღაზლანდარე სტუდენტ ბარიშნებს თვალი გავაყოლე და დაღონებულმა წამოვიძახე: O, tempora! O, mores!..

უჩინმაჩინი.